

Transparency International Greenland-imit tusagassiuutitut nalunaarut

Suliaq pitsaasoq

Transparency-mi nuannaarutigineqarpoq Naalakkersuisut nutaat nunatsinni ammanerusumik suleriaaseqarnissaq suliniutiginiarmassuk

Transparency International Greenland (TIG)-mi nuannaarutigingaarlugu maluginiarparput, Naalakkersuisut nutaat naalakkersuisooqatigiinnissamik isumaqatigiissummini ammanerusumik ingerlatsinissaq pillugu inatsisiliornissaq siunniummassuk.

Isumaqatigiissut tikkuussivoq imminut iluaqutissinniarluni pissaanermik atornerluineq akuerineqarusunngitsoq. TIG isumaqarpoq, taamatut iliuseqarneq nunatsinni innuttaasunut tamanut iluaqutaassasoq.

TIG-mit Naalakkersuisut nutaat siunnerfigisamik pitsaasut piviusunngortinniarnernit sulilluarnissaannik kissaappagut.

- Nuannerpoq takullugu, Naalakkersuisuini ammanerusumik ingerlatsinniarluni qineqqusaarutit eqqaamaneqarsimmata aammalu qanoq ililluni piviusunngortinnianerlugit naalakkersuisooqatigiinnissamut isumaqatigiissummut ilanngunneqartut, TIG-mut siulittaasoq Anita Hoffer oqarpoq.

Naalakkersuisooqatigiilernissamut isumaqatigiissummut tapiliullugu ammanerusumillu ingerlatsinissamut tunngatillugu TIG-mit kaammattuutigineqarpoq, Naalakkersuisunut Inatsisartunullu ilaasortanngortut tamarmik suliarninnut aningaasatigullu soqutigisaqarfimmittut tunngasut Inatsisartut nittartagaatigut saqqummiuteqqullugit.

- Taamatuttaaq TIG-mi neriutigaarput, Naalakkersuisut nutaat ukiuini kingulliunerusuni pissusinnigoriartuaarsimasoq nangissagaat, tassalu Naalakkersuisuni Inatsisartunilu ilaasortat amerliartuinnartut suliartik aningaasatigullu soqutigisaqarfittik nalunaarutigisarmatigit, taamaalilluni ersarinnerulissammat suliarni sorlarni suliarninneqataasinnaangitsutut inissimassanersut, TIG-mut siulittaasoq Anita Hoffer erseqqissaavoq.

Paasisaqarnerorusuttunut saaffissaq siulittaasoq Anita Hoffer, tlf. 58 45 30